

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ZAKON
O IZMJENI I DOPUNI ZAKONA O PRIJEVREMENOM
POVOLJNIJEM PENZIONISANJU
BRANILACA ODBRAMBENO-OSLOBODILAČKOG RATA**

Sarajevo, septembar 2019. godine

RAZLOZI ZA DONOŠENJE ZAKONA PO SKRAĆENOM POSTUPKU

U cilju realizacije Zaključka Vlade FBiH V.broj:448/2019 od 18.04.2019.godine usvojenog na 176. sjednici Vlade Federacije BiH, a u skladu sa članom 172. Poslovnika o radu Predstavničkog doma Parlamenta Federacije Bosne i Hercegovine i članom 164. Poslovnika o radu Doma naroda Parlamenta Federacije Bosne i Hercegovine, predlaže se donošenje Zakona o izmjeni i dopuni Zakona o prijevremenom povoljnijem penzionisanju branilaca odbrambeno-oslobodilačkog rata („Službene novine Federacije BiH“, br.41/13 i 90/17).

Ovo iz razloga kako bi se proces revizije po Zakonu o provođenju kontrole zakonitosti korištenja prava iz oblasti branilačko invalidske zaštite mogao okončati, jer revidiranjem korisnika prava pod uvjetima iz člana 4. Zakona o prijevremenom povoljnijem penzionisanju branilaca odbrambeno-oslobodilačkog rata proces revizije se ne bi mogao okončati zbog stalnog uvođenja novih korisnika u pravo i iz razloga jer se ne radi o složenim i obimnim izmjenama i dopunama, te se iz tog razloga predlaže donošenje ovog zakona po skraćenom postupku.

ZAKON
O IZMJENI I DOPUNI ZAKONA O PRIJEVREMENOM
POVOLJNIJEM PENZIONISANJU
BRANILACA ODBRAMBENO-OSLOBODILAČKOG RATA

Član 1.

U Zakonu o prijevremenom povoljnijem penzionisanju branilaca odbrambeno-oslobodilačkog rata („Službene novine Federacije BiH“, br.41/13 i 90/17), u članu 23. riječ:„čl.3. i 4.“ zamjenjuje se riječima:„člana 3.“

Iza stava (1) dodaje se novi stav (2), koji glasi:

„(2) Prava iz člana 4. ovog zakona će biti predmet redovne kontrole u skladu sa članom 19. ovog zakona“.

Član 2.

Ovaj zakon stupa na snagu narednog dana od dana objavljivanja u „Službenim novinama Federacije BiH“.

**OBRAZLOŽENJE
ZAKONA O IZMJENI I DOPUNI ZAKONA O PRIJEVREMENOM
POVOLJNIJEM PENZIONISANJU BRANILACA ODBRAMBENO-
OSLOBODILAČKOG RATA**

I-USTAVNI OSNOV

Ustavni osnov za donošenje Zakona o izmjeni i dopuni Zakona o prijevremenom povoljnijem penzionisanju branilaca odbrambeno-oslobodilačkog rata sadržan je u članu III 2.e), a u vezi sa članom III. 3. (3) i (4) Ustava Federacije Bosne i Hercegovine („Službene novine Federacije BiH“, broj: 1/94), prema kome Federalna vlast, kada se radi o zakonima i drugim propisima koji su obavezujući na području cijele Federacije Bosne i Hercegovine ima pravo utvrđivati politiku i donositi zakone u oblasti socijalne politike u koju spada i ova oblast.

II-RAZLOZI ZA DONOŠENJE ZAKONA

Razlog za donošenje Zakona o izmjeni i dopuni Zakona o prijevremenom povoljnijem penzionisanju branilaca odbrambeno-oslobodilačkog rata je realizacija Zaključka Vlade FBiH V.broj:448/2019 od 18.04.2019.godine.

Ovo iz razloga kako bi se proces revizije po Zakonu o provođenju kontrole zakonitosti korištenja prava iz oblasti branilačko invalidske zaštite mogao okončati, jer revidiranjem korisnika prava pod uvjetima iz člana 4. Zakona o prijevremenom povoljnijem penzionisanju branilaca odbrambeno-oslobodilačkog proces revizije se ne bi mogao okončati zbog stalnog uvođenja novih korisnika u pravo.

III-OBRAZLOŽENJE POJEDINIH ODREDBI ZAKONA

Članom 1. u Zakonu o prijevremenom povoljnijem penzionisanju branilaca odbrambeno-oslobodilačkog rata u članu 23. riječ:“čl. 3. i 4.“ zamjenjuje se riječima:“člana 3.“

Obzirom da proces revizije po Zakonu o provođenju kontrole zakonitosti korištenja prava iz oblasti branilačko invalidske zaštite ne bi mogao biti okončan zbog stalnog uvođenja novih korisnika u pravo predložena je izmjena člana 23. Zakona o prijevremenom povoljnijem penzionisanju branilaca odbrambeno-oslobodilačkog rata.

U članu 23. ovog zakona iza stava (1) dodaje se novi stav (2), koji glasi:

„(2) Prava iz člana 4. ovog zakona će biti predmet redovne kontrole u skladu sa članom 19. ovog zakona“.

Ovo iz razloga jer je Zakonom o provođenju kontrole zakonitosti korištenja prava iz oblasti branilačko invalidske zaštite propisano da reviziji po ovom zakonu podliježu i korisnici prava na povoljnije penzionisanje, a čiju kontrolu u skladu sa članom 6. ovog zakona vrše Revizorski timovi za kontrolu.

Članom 19. Zakona o prijevremenom povoljnijem penzionisanju branilaca odbrambeno-oslobodilačkog rata („Službene novine Federacije BiH“, br.:41/13 i 90/17) predviđeno je da redovnu kontrolu ovih predmeta vrše nadležne inspekcije ministarstava kao i na druge zakonom propisane načine, zbog čega je i predložena izmjena i dopuna člana 23. ovog zakona .

Član 2. sadrži odredbe o stupanju na snagu zakona.

IV-FINANSIJSKA SREDSTVA

Za provođenje ovog zakona nisu potrebna dodatna finansijska sredstva iz Budžeta Federacije Bosne i Hercegovine za 2019.godinu.